

ուժերը և բազուկները: Օգոստ. 5-ին Դիկտատուրայի կողմից ընդհանուր հրամանատար նշանակեց զոր. Դոկուչայեը. զինուորական գործերի վարիչ՝ զոր. Բագրատունին: Սակայն, անգլիացիների հետ կարելի չեղաւ ուժերի ներդաշնակութիւն և ընդհանուր ղեկավարութիւն առաջ բերել. նրանք, զոր. Դընստերվիլի հրամանատարութեան տակ, գործում էին բոլորովին անկախ: Նրանք բռնեցին աջ ճակատի «Յեխոս հրաբուխ» մասը: Զոր. Դընստերվիլը, առհասարակ, մոռայլ աչքով էր նայում յաղթանակի հնարաւորութեան և հէնց սկզբից իրեն պահում էր այնպէս, որ ամենքը զոլում էին, թէ առաջին իսկ լուրջ վտանգի դէպքում պիտի թողնի ու հեռանայ:

Օգնական ուժեր ստանալուց և վերակազմելուց յետոյ, օգոստոս 29-ին, թիւրքերը անցան յարձակման, անգլիացիների գրաւած ճակատում: Վերջիններս ուժգին դիմադրութիւնից յետոյ՝ թողին դիրքերի մի մասը: Սեպտ. 1-ին թիւրքերի համար յաջող յարձակումներ սկսեցին և աջ թևում: Զոր. Դընստերվիլը յայտնեց Դիկտատուրային, որ դրութիւնը անյոյս է և պէտք է թիւրքերի հետ բանակցութիւններ սկսել՝ պատերազմը վերջացնելու համար: Դիկտատուրան միաձայնութեամբ մերժեց այդ առաջարկը և պահանջեց, որ անգլիացիք մեկնեն ճակատ՝ սպառնալով, հակառակ պարագային, թնդանօթի կրակի բռնել նրանց նաւերը: Անգլիացիները համակերպեցին: Կռիւները շարունակեցին անընդհատ. թշնամին դանդաղ, բայց հաստատուն քայլերով մօտենում էր քաղաքին:

Սեպտ. 13-ի առաւօտեան, մօտ 3000 թիւրքեր ու տեղացի մահմետականներ՝ ձիաւոր ու հետեակ՝ գրոհ տւին Սուրուխանիի շրջանում և մինչեւ կէս գիշեր աշխատում էին ձեղքել բազուկներին ճակատը: Սեպտ. 13-14-ի գիշերը յարձակումները սկսեցին ամբողջ ճակատի վրա, և լուսարացին թիւրքերը գրաւեցին Գայլի Դրոնքի դիրքերը:

Արիւնոտ վախճանը մօտենում էր:

Սեպտ. 14-ի առաւօտից անգլիացիք սկսեցին թողնել դիրքերը և նաւստել. պատրաստում էին հետեւելու բոլշեիկների օրինակին. իրենց կաշին աւելի թանկ էր, քան Բագուն ու Բագուի ժողովուրդը: Ժամը 5-ին նրանք յայտնեցին Դիկտատուրային, որ հեռանում են և առաջարկեցին քաղաքը յանձնել թիւրքերին: Հ. Ազգ. Սորհուրդը խնդրեց նրանց թախանձագին, որ գէթ 3 օր էլ մնան, մինչև որ կարելի լինի զաղթեցնել ժողովուրդը. զոր. Դընստերվիլը պատասխանեց. «2 ժամից յետոյ պիտի մեկնենք. սպիտակ գրօշակ բարձրացրէ՛ք»: Եւ երեկոյեան ժամը 8-ին անգլիական նաւերը հեռացան Պարսկաստանի ուղղութեամբ:

Հայերը մնացին մենակ: Դիկտատուրան սկսեց պատուիրակութիւն պատրաստել հաշտութեան բանակցութիւնների համար: Միւս կողմից, նաւերն էին թափում ժողովուրդն ու զինուորները. զօրամասերը քայլ առ քայլ նահանջում ու հաւաքում էին ծովափին: Որոշ մասեր, սակայն, չկարողացան հեռանալ դիրքերից և մինչև վերջին փամփուշտը կուլելուց յետոյ՝ կոտորեցին կամ գերի ընկան: